

# ইসলামী নৈতিকতা



جمعية الدعوة بالزلفي

جمعية الدعوة والإرشاد وتوعية الجاليات بالزلفي

هاتف: ٤٢٣٤٤٦٦ ٠١٦ . فاكس: ٤٢٣٤٤٧٧ ٠١٦

82

# ইসলামী নৈতিকতা

الأخلاق في الإسلام - اللغة البنغالية



جمعية الدعوة والإرشاد ونوعية الجاليات في الزلفي

Tel: 966 164234466 - Fax: 966 164234477

## الأخلاق في الإسلام

أعدّه وترجمه إلى اللغة البنغالية:

جمعية الدعوة والإرشاد وتوعية الجاليات بالزلفي

الطبعة الرابعة: ١٤٤٢/١١ هـ

ح) شعبة توعية الجاليات بالزلفي، ١٤٢١ هـ

فهرسة مكتبة الملك فهد الوطنية أثناء النشر

شعبة توعية الجاليات (بالزلفي)

الأخلاق - بنغالي / الزلفي

٣٢ ص؛ ١٢ × ١٧ سم

ردمك : ١-٩٩-٨٦٣-٩٩٦٠

(النص باللغة البنغالية)

أ. العنوان

١-الأخلاق الإسلامية

١٤٢١/٤٣٧١

ديوي ٢١٢

رقم الإيداع : ١٤٢١/٤٣٧١

ردمك : ١-٩٩-٨٦٣-٩٩٦٠

## الأخلاق في الإسلام ইসলামী নৈতিকতা

সমস্ত প্রশংসা মহান আল্লাহর জন্য। দরুদ ও সালাম অবতীর্ণ হোক তাঁর রাসূলুল্লাহ-ﷺ-এর উপর। আমরা সেই আল্লাহর প্রশংসা করি, যিনি ইসলামের মত সম্পদ দিয়ে আমাদের প্রতি বড় অনুগ্রহ করছেন। আর আমাদেরকে উত্তম চরিত্রে চরিত্রবান হওয়ার প্রতি অনুপ্রাণিত করছেন এবং এর জন্য অঢেল নেকী দেওয়ার কথাও উল্লেখ করছেন। সুন্দর চরিত্র হল, নেক লোক এবং নবী ও রাসূলদের গুণসমূহের এমন এক বিশেষ গুণ, যদ্বারা মর্যাদা-সম্মান বৃদ্ধি পায়। আল্লাহ তা'য়ালার তাঁর নবী মুহাম্মাদ ﷺ-এর সমূহ চারিত্রিক উৎকর্ষকে কুরআনের একটি আয়াতে এইভাবে একত্রিত করে দিয়েছেন যে,

﴿وَإِنَّكَ لَعَلَىٰ خُلُقٍ عَظِيمٍ﴾ [القلم ٤]

“আপনি অবশ্যই মহান চরিত্রের অধিকারী।” (সূরা কালাম ৪)  
উত্তম চরিত্র আপসে প্রেম-প্রীতি ও ভালবাসার জন্ম দেয়। পক্ষান্তরে নোংরা ব্যবহার ও জঘন্য চরিত্র পারস্পরিক বিদ্বেষ ও হিংসা-বিবাদ সৃষ্টিক করে। যার চরিত্র উত্তম, সে দুনিয়া ও আখেরাতে সর্বত্র সুফল লাভ করে। কেননা, আল্লাহ তার মধ্যে তাকওয়া ও মহৎচরিত্র উভয় গুণকে একত্রিত করে দিয়েছেন। যেমন রাসূলুল্লাহﷺ বলেন,

((أَكْثَرُ مَا يُدْخِلُ النَّاسَ الْجَنَّةَ تَقْوَى اللَّهِ وَحُسْنُ الْخُلُقِ)) [الترمذي والحاكم]

“সব থেকে অধিকহারে যে জিনিসটি লোকদের জান্নাতে প্রবেশ করাবে, তা হল, আল্লাহভীতি ও উত্তম চরিত্র।” (তিরমিযী-হাকিম, আল্লামা আলবানী হাদীসটিকে হাসান বলেছেন। দ্রষ্টব্য সুনানে তিরমিযী আলবানী ২০০৪) আর উত্তম চরিত্র হল, হাস্যময় হওয়া, সুন্দর ব্যবহার প্রদর্শন করা, কোন মানুষকে কষ্ট না দেওয়া, কথা-বার্তা ভাল বলা, রাগ দমন ও গোপন করা। কষ্ট সহ্য করা। রাসূলুল্লাহ-ﷺ-বলেছেন,

((بُعِثْتُ لِأَتَمِّمَ مَكَارِمَ الْأَخْلَاقِ)) أَحَدُ وَالْبِيهْتِي

“আমি প্রেরিত হয়েছি উত্তম চরিত্র ও নৈতিকতার শিক্ষা দানের জন্য।” (আহমদ-বায়হাকী) আর তিনি আবু হুরাইরা-رضী-কে এই বলে অসীয়াত করেন যে, হে আবু হুরাইরা! সুন্দর চরিত্র অবলম্বন করো। আবু হুরাইরা জিজ্ঞাসা করলেন, হে আল্লাহর রাসূল! সুন্দর চরিত্র কি? তিনি-ﷺ-বললেন,

(( تَصِلُ مَنْ قَطَعَكَ، وَتَعْفُو عَمَّنْ ظَلَمَكَ، وَتُعْطِي مَنْ حَرَمَكَ )) [البیهتی]

“যে সম্পর্ক ছিন্ন করে, তুমি তা জোড়ার চেষ্টা করো। যে তোমার উপর যুলুম করে, তুমি তাকে ক্ষমা করো। আর যে তোমাকে বঞ্চিত করে, তুমি তাকে দাও।” (বায়হাকী) সুপ্রিয় মুসলিম ভাই! লক্ষ্য করুন, প্রশংসিত এই বৈশিষ্ট্যের কত বড় প্রভাব এবং কত অজস্র নেকী। রাসূলুল্লাহ-ﷺ-বলেছেন,

((إِنَّ الرَّجُلَ لَيُؤَدِّرُكَ بِحُسْنِ الْخُلُقِ دَرَجَةَ الصَّائِمِ الْقَائِمِ)) (أحمد)

“নিশ্চয় মানুষ মহৎচরিত্রের গুণে রাত জেগে ইবাদতকারী রোযাদারের মর্যাদা পায়।” (আহমদ) অনুরূপ তিনি মহৎচরিত্রকে ঈমান পূর্ণকারী বিষয়ের মধ্যে গণনা করছেন। যেমন, তিনি বলেন,

((أَكْمَلُ الْمُؤْمِنِينَ إِيمَانًا أَحْسَنُهُمْ خُلُقًا)) الترمذي

“মুমিনগণের মধ্যে পরিপূর্ণ ঈমানদার তো সেই ব্যক্তি, যার চরিত্র সব থেকে বেশী উন্নত।” (তিরমিযী, হাদীসটি সহীহ। দ্রষ্টব্য সহীহ সুনানে তিরমিযী আলবানী) প্রিয় ভাইয়েরা! রাসূলুল্লাহ ﷺ-এর নিম্নের বাণীটির প্রতি লক্ষ্য করুন। তিনি বলেন,

(( أَحَبُّ النَّاسِ إِلَى اللَّهِ أَنْفَعُهُمْ، وَأَحَبُّ الْأَعْمَالِ إِلَى اللَّهِ سُورٌ تُدْخِلُهُ عَلَى مُسْلِمٍ، أَوْ تَكْشِفُ عَنْهُ كُرْبَةً، أَوْ تَقْضِي دَيْنًا، أَوْ تَطْرُدُ جَوْعًا، وَلَآنَ أُمِّئِي مَعَ أَخِي الْمُسْلِمِ فِي حَاجَةٍ أَحَبُّ إِلَيَّ مِنْ أَنْ أَعْتَكِفَ فِي الْمَسْجِدِ شَهْرًا )) الطبراني

“মানুষের সব থেকে বেশী উপকারকারী ব্যক্তিই আল্লাহর নিকট বেশী প্রিয়। আর আল্লাহর নিকট সব চেয়ে উত্তম কাজ হল, এমন আনন্দ যা তুমি কোন মুসলিমের অন্তরে প্রবেশ করিয়েছ কিংবা তার কোন কষ্ট দূর করেছ অথবা তার ঋণ পরিশোধ করে দিয়েছ বা তার ক্ষুধা নিবারণ করেছ। আমি যদি আমার কোন মুসলিম ভাইয়ের প্রয়োজন পূরণের জন্য যাই, তাহলে এটা আমার নিকট মসজিদে এক মাস এতেকাফ করার থেকে শ্রেয়।” (তাবরানী)

মুসলিম ভাই! সহজ সরল ও নরম বাক্যালাপে তোমার নেকী হয় এবং তোমার জন্য তা সাদক্বায় পরিণত হয়। যেমন রাসূলুল্লাহ-ﷺ বলেছেন,

(( الْكَلِمَةُ الطَّيِّبَةُ صَدَقَةٌ )) متفق عليه ١٠٠٩-٢٩٨٩

“সুন্দর বাক্য তোমার জন্য সাদক্বায় পরিণত হয়।” (বুখারী ২৯৮৯-মুসলিম ১০০৯) আর এ সব এই জন্য যে, সুন্দর বাক্যের দ্বারা ভালো প্রভাব সৃষ্টি হয়। তা মানুষের অন্তরকে জোড়ে। পারস্পরিক ভালোবাসা সৃষ্টি করে। হিংসা-বিদ্বেষ দূরীভূত করে।

উত্তম চরিত্রে চরিত্রবান হওয়ার প্রতি এবং কষ্টের সময় সহ্য করার প্রতি উৎসাহ দানকারী রাসূলুল্লাহ-ﷺ-এর উপদেশাবলীর সংখ্যা অনেক। তার মধ্যে তাঁর (নিম্নের) এই বাণী,

(( اتَّقِ اللَّهَ حَيْثُمَا كُنْتَ، وَأَتَّبِعِ السَّبِيَّةَ الْحَسَنَةَ تَمَحُّهَا، وَخَالِقِ النَّاسَ بِخُلُقٍ

[حَسَنٍ]) [الترمذي]

“সর্বত্র আল্লাহকে ভয় কর, মন্দ ও অসৎ কাজ হয়ে গেলে, সৎকাজ করো, তা পাপ কাজকে মুছে দেবে। আর মানুষের সাথে সদাচারণ কর।” (তিরমিযী হাদীসটিকে আল্লামা আলবানী হাসান বলেছেন। দ্রষ্টব্য সহীহ সুনানে তিরমিযী আলবানী ১৯৮৭) সর্বত্র ও সব সময় সৎচরিত্রতা অবলম্বন করা মুসলিমদের অবিচ্ছেদ্য অংশ। এই চরিত্র তাকে মানুষের নিকট প্রিয় পাত্র করে তুলে। প্রত্যেক পথে ও প্রত্যেক স্থানে তাকে মানুষের অতি নিকট করে দেয়। এমন কি

মানুষ তার স্ত্রীর মুখে যে লোকমা তুলে দেয়, তার দরুন সে নেকী পায়, এ কথারও ঘোষণা ইসলাম দিয়েছে। রাসূলুল্লাহ-ﷺ বলেছেন,

((وَأِنَّكَ مَهْمَا أَنْفَقْتَ مِنْ نَفَقَةٍ فَإِنَّهَا صَدَقَةٌ حَتَّى اللَّقْمَةُ الَّتِي تَرَفَعُهَا

إِلَى فِي امْرَأَتِكَ)) [البخاري: ২৭৪২]

“তুমি যা কিছু (আল্লাহর পথে) ব্যয় কর, সবই সাদক্বায় পরিণত হয়। এমন কি যে লোকমা তোমার স্ত্রীর মুখে তুলে দাও, তাও।” (বুখারী ২৭৪২) প্রিয় ভাইয়েরা! মু’মিনরা আপসে ভাই ভাই। কাজেই প্রত্যেক মুসলিমের জন্য অত্যাবশ্যক হলো, সে নিজের জন্য যা ভালবাসবে, তা তার অন্য মুসলিম ভাইয়ের জন্যও ভাল বাসবে। লক্ষ্য করে দেখুন আপনি কী ভালবাসেন, সেটা আপনার অন্য ভাইয়ের জন্যও পেশ করুন। আর আপনি যা অপছন্দ করেন, তা তার থেকে দূরে রাখুন। খবরদার! যে ব্যক্তি আল্লাহকে প্রভু বলে, ইসলামকে দ্বীন হিসাবে এবং মুহাম্মাদ-ﷺ-কে নবী বলে বিশ্বাস করেছে, তাকে ঘৃণা করবে না। কারণ, নবী করীম-ﷺ-এ থেকে সতর্ক করেছেন। যেমন, তিনি-ﷺ বলেছেন,

((يَحْسَبُ امْرِيٍّ مِنَ الشَّرِّ أَنْ يَحْتَفِرَ أَخَاهُ الْمُسْلِمَ)) مسلم ২০৬৪

“কোন মুসলিম ভাইকে ঘৃণার দৃষ্টিতে দেখা পাপ ও অন্যায় বলে পরিগণিত হওয়াতে যথেষ্ট।” (মুসলিম ২৫৬৪) প্রিয় ভাই! পথ খুবই সহজ। ইবাদতটি খুবই আসান। আল্লাহর রাসূল-ﷺ আব্দুদারদা ﷺ কে লক্ষ্য ক’রে বলেছেন,

(( أَلَا أَدُلُّكَ عَلَىٰ أَيْسَرَ الْعِبَادَاتِ وَأَهْوَنَهَا-أخفها- عَلَى الْبَدَنِ؟ قَالَ أَبُو الدَّرْدَاءِ بَلَىٰ يَا رَسُولَ اللَّهِ! فَقَالَ: ((عَلَيْكَ بِالصُّمْتِ، وَحُسْنِ الْخُلُقِ فَإِنَّكَ لَنْ تَعْمَلَ مِثْلَهَا))

“তোমাকে কি ইবাদতসমূহের মধ্যে সহজ ও শারীরিক দিক দিয়ে আরামদায়ক ইবাদতের কথা বলে দেবো না? আবুদ্দারদা বললেন, অবশ্যই বলুন, হে আল্লাহর রাসূল! তখন তিনি বললেন, “তুমি নীরবতা অবলম্বন করবে এবং সদাচারণ করবে। কারণ, এর থেকে (সুন্দর) কাজ তুমি কখনাই করতে পারবে না।” মু’মিন সংচরিত্রের গুণে রাত জেগে ইবাদতকারী রোযাদার মু’মিনের সমান নেকী পায়। যেমন রাসূলুল্লাহ-ﷺ-বলেন,

((إِنَّ الرَّجُلَ لِيُذْرِكَ بِحُسْنِ الْخُلُقِ دَرَجَةَ الصَّائِمِ الْقَائِمِ)) [أحمد]

“নিশ্চয় মানুষ মহৎচরিত্রের গুণে রাত জেগে ইবাদতকারী রোযাদারের মর্যাদা পায়।” (আহমদ) আর এই জন্য পরম সম্মানী সাহাবী আবুদ্দারদা-ﷺ-বলতেন,

((إِنَّ الْعَبْدَ الْمُسْلِمَ يُحْسِنُ خُلُقَهُ يُدْخِلُهُ حُسْنُ خُلُقِهِ الْجَنَّةَ، وَيُسِيءُ خُلُقَهُ حَتَّىٰ يُدْخِلَهُ سُوءَ خُلُقِهِ النَّارَ)) [البيهقي]

“অবশ্যই যে মুসলিম বান্দা তার চরিত্রকে উন্নত করবে, তার এই উন্নত চরিত্র তাকে জান্নাতে প্রবেশ করাবে। আর যে তার

চরিত্রকে নোংরা করবে, তার এই নোংরা চরিত্র তাকে জাহান্নামে প্রবেশ করাবে।” (বায়হাক্বী)

## সুন্দর চরিত্রের নিদর্শন

মহৎচরিত্রের নিদর্শনসমূহকে বিশেষ কয়েক ধরনের গুণের মধ্যে একত্রিত করে দেওয়া হয়েছে। যেমন, মানুষের অত্যধিক লজ্জাশীল হওয়া। কাউকে কষ্ট না দেওয়া। খুব বেশী সংশোধন প্রিয় হওয়া। সত্যবাদী হওয়া। কথা কম বলা। আমল বেশী করা। ভুল-ত্রুটি কম করা। অনর্থক কথা না বলা। নেক ও সৎ হওয়া। ধৈর্যশালী ও কৃতজ্ঞ হওয়া। অতিশয় তুষ্ট ও সহিষ্ণু হওয়া। কোমল, নরম ও স্বচ্ছ অন্তরের মালিক হওয়া। অভিসম্পাতকারী, অশ্লীল ও অসভ্য (চোয়াড়), চুগলখোর এবং পরচর্চাকারী না হওয়া। দ্রুততা প্রিয়, বিদ্বেষী, কৃপণ এবং হিংসুক না হওয়া। হাস্যমুখ, নরম ও মোলায়েম প্রকৃতির মানুষ হওয়া। আল্লাহর নিমিত্ত ভালবাসা। আল্লাহর নিমিত্ত সন্তুষ্ট থাকা এবং তাঁরই নিমিত্ত অসন্তুষ্ট হওয়া।

মহৎচরিত্রের অধিকারী ব্যক্তি মানুষ কর্তৃক প্রদত্ত কষ্ট সহ্য করে। সব সময় মানুষের ভুল-ত্রুটির জন্য অজুহাত খোঁজে। তাদের ভুল-ত্রুটির পিছনে পড়া থেকে এবং খুঁজে খুঁজে তাদের দোষ বের করা থেকে নিজেকে বিরত রাখতে খুবই আগ্রহী থাকে। মু'মিন কোন অবস্থাতেই নোংরা ও জঘন্য চরিত্রের অধিকারী হতে পারে না। নবী করীম ﷺ বহু স্থানে উত্তম চরিত্রের গুরুত্ব সম্পর্কে তাগিদ করছেন এবং উন্নত চরিত্রে বিভূষিত ব্যক্তি যে প্রচুর নেকী লাভ

করে, সে কথারও উল্লেখ করছেন। যেমন উসামা ইবনে শারীক-رضي الله عنه-থেকে বর্ণিত। তিনি বলেছেন,

(( كُنَّا جُلُوسًا عِنْدَ رَسُولِ اللَّهِ ﷺ إِذْ جَاءَهُ أَنَسٌ فَقَالُوا: مَنْ أَحَبُّ عِبَادِ اللَّهِ إِلَى اللَّهِ -تعالى؟ قَالَ: أَحْسَنُهُمْ أَخْلَاقًا)) الطبراني

“একদা আমরা রাসূলুল্লাহ-ﷺ-এর নিকট বসে ছিলাম। সহসা তাঁর নিকট কিছু মানুষ উপস্থিত হয়ে জিজ্ঞাসা করলো যে, বান্দাদের মধ্যে আল্লাহর নিকট সব থেকে প্রিয় কে? তিনি বললেন, “যার চরিত্র সব থেকে উন্নত।”(তাবরানী) আর আব্দুল্লাহ ইবনে উমার-رضي الله عنه-থেকে বর্ণিত। তিনি বলেন, আমি রাসূলুল্লাহ-ﷺ-কে বলতে শুনেছি। তিনি বলেছেন,

((أَلَا أُخْبِرُكُمْ بِأَحَبِّكُمْ إِلَيَّ وَأَقْرَبِكُمْ مِنِّي مَجْلِسًا يَوْمَ الْقِيَامَةِ؟ قَالُوا: نَعَمْ يَا رَسُولَ اللَّهِ! قَالَ: أَحْسَنُكُمْ خُلُقًا)) [أحمد]

“তোমাদের মধ্যে যে ব্যক্তি সব চেয়ে আমার নিকট প্রিয় এবং যে কিয়ামতের দিন আমার অতি নিকটে থাকবে, তার ব্যাপারে কি তোমাদের বলবো না? সাহাবীরা বললেন, হ্যাঁ, বলুন, হে আল্লাহর রাসূল! তিনি বললেন, সে হলো ঐ ব্যক্তি, যার চরিত্র তোমাদের সবার থেকে সুন্দর।”(আহমদ) তিনি আরো বলেছেন,

((مَا مِنْ شَيْءٍ أَثْقَلُ فِي مِيزَانِ الْعَبْدِ يَوْمَ الْقِيَامَةِ مِنْ خُلُقٍ حَسَنٍ)) رواه أحمد

والترمذي

“কিয়ামতের দিবসে বান্দার হিসাবের দাঁড়ি-পাল্লায় সচ্চরিত্রতার থেকে কোন জিনিস বেশী ভারী হবে না।” (আহমদ, তিরমিযী)

### রাসূল-ﷺ-এর চরিত্র

রাসূলুল্লাহ-ﷺ-তঁার সাহাবীদের জন্য অনুপম চরিত্রের সুমহান দৃষ্টান্ত ছিলেন। তিনি এরই প্রতি সকলকে আহ্বান জানিয়েছেন। তিনি সাহাবীদের মধ্যে নির্দেশ ও নসীহত দ্বারা চারিত্রিক উৎকর্ষ সৃষ্টি করার পূর্বে স্বীয় উৎকৃষ্ট নৈতিকতার দ্বারা এর বীজ বপন করতেন। তাই তো আনাস-رضী-বলেন,

(( خَدَمْتُ رَسُولَ اللَّهِ ﷺ عَشْرَ سِنِينَ، وَاللَّهِ مَا قَالَ لِي أَفَّا قَطُّ وَلَا قَالَ لِي لَيْشِيءٍ: لِمَ فَعَلْتَ كَذَا؟ وَهَلَّا فَعَلْتَ كَذَا؟ )) [المسلم ٢٣٠٩]

“আমি দশ বছর নবী করীম ﷺ-এর খেদমত করেছি। আল্লাহর শপথ! কখনো আমাকে ‘উঃ’ পর্যন্ত বলেননি। আর না কোন দিন কোন কাজের জন্য বলেছেন, এরকম কেন করলে? বা এরকম কেন করলে না?” (মুসলিম ২৩০৯) অন্য এক হাদীস আনাস-رضী-থেকেই বর্ণিত। তিনি বলেন,

(( كُنْتُ أُمِّيئِي مَعَ رَسُولِ اللَّهِ ﷺ وَعَلَيْهِ بُرْدٌ غَلِيظٌ الْحَاشِيَّةِ، فَأَذْرَكَهُ أَعْرَابِيٌّ فَجَبَدَهُ جَبْدَةً شَدِيدَةً، حَتَّى نَظَرْتُ إِلَى صَفْحَةِ عَاتِقِ رَسُولِ اللَّهِ ﷺ قَدْ أَثَرَتْ

بِهَا حَاشِيَةُ الْبُرْدِ مِنْ شِدَّةِ جَبْدَتِهِ، ثُمَّ قَالَ: يَا مُحَمَّدُ مُرِّي مِنْ مَالِ اللَّهِ الَّذِي  
عِنْدَكَ، فَالْتَمَّتْ إِلَيْهِ رَسُولُ اللَّهِ ﷺ ثُمَّ ضَحِكَ، ثُمَّ أَمَرَ لَهُ بِعَطَاءٍ)) البخاري

ومسلم ১০৫৭-৫৮০৯

“আমি রাসূলুল্লাহ-ﷺ-এর সাথে যাচ্ছিলাম। তাঁর গায়ে ছিল একটি চাদর। চাদরের উভয় পাশ ছিল বেশ পুরু। এক গ্রাম্য লোক তাঁকে পেয়ে বসল। সে তাঁর চাদরটিকে ধরে ভীষণ জোরে টান দিল। আমি লক্ষ্য কর দেখলাম, নবী করীম-ﷺ-এর ঘাড়ের পার্শ্বদেশে সজোরে চাদর টানার দরুন চাদরের পাড়ের দাগ লেগে রয়েছে। অতঃপর লোকটি বলল, হে মুহাম্মাদ! তোমার নিকট আল্লাহর দেওয়া যে মাল-সম্পদ তার থেকে আমাকে কিছু দেওয়ার ব্যবস্থা করুন। তিনি লোকটির প্রতি তাকালেন। তাকিয়ে হেসে দিলেন। তারপর তাকে কিছু দিয়ে দেওয়ার নির্দেশ দিলেন।” (বুখারী ৫৮০৯-মুসলিম ১০৫৭) আর আয়েশা (রাযিয়াল্লাহু আনহাকে জিজ্ঞাসা করা হয়েছিল, রাসূলুল্লাহ-ﷺ-ঘরে কি কাজ করতেন? তিনি বলেছিলেন,

((كَانَ فِي مِهْنَةٍ أَهْلِهِ فَإِذَا حَضَرَتْ الصَّلَاةُ قَامَ إِلَى الصَّلَاةِ)) البخاري: ৬৭৬

“তিনি ঘরে থাকাকালীন ঘর কন্নার কাজ করতেন। (অর্থাৎ, নিজ পরিবার পরিজনদের কাজে সহযোগিতা করতেন।) অতঃপর যখন নামাযের সময় হত, তখন ওযু করে নামাযের জন্য চলে যেতেন।” (মুসলিম ৬৭৬) আব্দুল্লাহ ইবনে হারেস-رضী-থেকে বর্ণিত। তিনি বলেন,

((مَا رَأَيْتُ أَحَدًا أَكْثَرَ تَبَسُّمًا مِنْ رَسُولِ اللَّهِ ﷺ)) [الترمذي]

“আমি রাসূলুল্লাহ ﷺ-এর অপেক্ষা বেশী স্নিগ্ধ হাসতে অন্য কাউকে দেখি নাই।” (তিরমিযী, হাদীসটি সহীহ। দ্রষ্টব্য সহীহ সুনানে তিরমিযী আলবানী ৩৬৪১)

রাসূলুল্লাহ-ﷺ-এর উৎকৃষ্ট চরিত্রের ব্যাপারে একথা প্রসিদ্ধ যে, তিনি অত্যধিক দানবীর ছিলেন। কোন জিনিসের ব্যাপারে কৃপণতা করেননি। তিনি এমন নির্ভীক ছিলেন যে, হকের ব্যাপারে অনড় থাকতেন। তিনি এমন ন্যায়পরায়ণ ছিলেন যে, কখনো কোন অবিচার করেননি। তাঁর জীবনই ছিল সত্যবাদিতা ও বিশ্বস্ততায় ভরপুর। জাবির-رضী-থেকে বর্ণিত। তিনি বলেন,

((مَا سُئِلَ النَّبِيُّ ﷺ عَنْ شَيْءٍ قَطُّ فَقَالَ: لَا)) [البخاري ৬০৩৪]

“রাসূলুল্লাহ-ﷺ-এর নিকট কখনো কোন জিনিস চাওয়া হলে, তিনি না করেননি।” (বুখারী ৬০৩৪) তিনি তাঁর সাহাবীদের সাথে হাসি ঠাট্টা করতেন। তাঁদের সংসর্গে থাকতেন। তাঁদের সম্মানদের সাথে কৌতুক করতেন। শিশুদের কোলে নিতেন। দাওয়াত কবুল করতেন। রোগাক্রান্ত লোকদের দেখত যেতেন। অজুহাত পেশকারীর অজুহাত কবুল করতেন।

তিনি তাঁর সাহাবীদেরকে তাঁদের নিকট প্রিয় নামেই ডাকতেন। কোন ব্যক্তির কথা কাটতেন না। আবু ক্বাতাদা رضী-থেকে বর্ণিত। তিনি বলেন, যখন নবী করীম-ﷺ-এর নিকট নাওজ্জাসীর লোকজন

আসে, তখন তিনি তাদের সেবার জন্য দাঁড়িয়ে যান। সাহাবীরা বললেন, আমরা আপনার পক্ষ থেকে যথেষ্ট। তিনি বললেন, “এঁরা আমার সাহাবীদের বড় সম্মান করেছেন। অতএব তার প্রতিদান আমি নিজে দেওয়াই ভালোবাসি।” তিনি বলেন, “আমি তো একজন বান্দামাত্র। তাই আমি সেইভাবেই খাই, যেভাবে বান্দার খাওয়া উচিত। আর ঐভাবেই বসি, যেভাবে বান্দার বসা উচিত।” তিনি গাধায় আরোহণ করতেন। অভাবীদের দেখতে যেতেন। দরিদ্রদের সাথে উঠা-বসা করতেন।

## সত্যবাদিতা

মুসলিম তার প্রভুর সাথে, সকল মানুষের সাথে এবং অন্যান্য সকল ক্ষেত্রে সততার পরিচয় দেয়। সে তাঁর কথা ও কাজে সত্যবাদী হয়। আল্লাহ তা’য়ালার বলেন,

﴿ يَا أَيُّهَا الَّذِينَ آمَنُوا اتَّقُوا اللَّهَ وَكُونُوا مَعَ الصَّادِقِينَ ﴾ التوبة ১১৭

“হে ঈমানদারগণ, আল্লাহকে ভয় করো এবং সত্যবাদীদের সাথে থাকো।” (সূরা তাওবা ১১) আয়েশা (রাযিয়াল্লাহু আনহা) থেকে বর্ণিত। তিনি বলেন,

(( مَا كَانَ خُلُقُ أَبِغَضٍ إِلَى رَسُولِ اللَّهِ ﷺ مِنْ الْكُذْبِ )) [الترمذي و أحمد]

“মিথ্যার অপেক্ষা অন্য কোন অভ্যাস রাসূলুল্লাহ-ﷺ-এর নিকট ঘৃণিত ছিল না।” (তিরমিযী, আহমদ, হাদীসটি সহীহ। দ্রষ্টব্য সহীহ

সুনানে তিরমিযী ১৯৭৩) আর রাসূলুল্লাহ-ﷺ-কে জিজ্ঞাসা করা হলো,

((أَيُّكُونُ الْمُؤْمِنُ جَبَانًا؟ فَقَالَ نَعَمْ، فَقِيلَ لَهُ: أَيُّكُونُ الْمُؤْمِنُ بَخِيلًا؟ فَقَالَ: نَعَمْ، فَقِيلَ لَهُ: أَيُّكُونُ الْمُؤْمِنُ كَذَّابًا؟ فَقَالَ: لَا)) (رواه مالك)

“মু’মিন কি ভীতু হয়? তিনি বললেন, হ্যাঁ। জিজ্ঞাসা করা হলো, মু’মিন কি কৃপণ হয়? বললেন, হ্যাঁ। জিজ্ঞাসা করা হলো, মু’মিন কি মিথ্যুক হয়? বললেন, না।” (মুআত্তা ইমাম মালিক) আর দ্বীনের ব্যাপারে মিথ্যা বলা সব থেকে নিকৃষ্টতম অপরাধ। এটা সমূহ মিথ্যার মধ্যে সব থেকে কঠিন মিথ্যা, যার পরিণতি জাহান্নাম। যেমন রাসূলুল্লাহ-ﷺ-বলেছেন,

((وَمَنْ كَذَبَ عَلَيَّ مُتَعَمِّدًا فَلْيَتَّبِعُوا مَقْعَدَهُ مِنَ النَّارِ)) (البخاري ১১০)

“যে ব্যক্তি জেনে-শুনে আমার উপর মিথ্যা গড়ে সে যেন তার ঠিকানা জাহান্নামে বানিয়ে নেয়।” (বুখারী ১১০) ইসলাম আমাদেরকে আমাদের ছোটদের অন্তরে সততার বীজ বপন করার প্রতি উৎসাহ প্রদান করছে। যাতে তারা সততার উপর গড়ে উঠে। যেমন আবু হুরাইরা-رضী-থেকে বর্ণিত। রাসূলুল্লাহ-ﷺ-বলেছেন,

((مَنْ قَالَ لِصَبِيٍّ: تَعَالَ، هَاكَ، ثُمَّ لَمْ يُعْطِهِ فَهِيَ كَذْبَةٌ)) (أحمد)

“যে ব্যক্তি কোন শিশুকে বলল, এসো, নাও। অতঃপর যদি তাকে না দেয়, তাহলে এটাও মিথ্যায় পরিণত হবে।” (আহমদ) অনুরূপ

রাসূলুল্লাহ-ﷺ-তঁার উম্মতকে মিথ্যা থেকে বাঁচার জন্য তাগিদ করছেন, যদিও তা ঠাট্টাচ্ছলে হয়। আর তিনি তার জন্য জান্নাতের মধ্যকার একটি ঘরের যামিন হয়েছেন, যে ঠাট্টাচ্ছলে হলেও মিথ্যা পরিহার করে। যেমন তিনি বলেছেন,

((أَنَا زَعِيمٌ بَيِّتٌ فِي وَسْطِ الْجَنَّةِ لِمَنْ تَرَكَ الْكُذِبَ وَإِنْ كَانَ مَا زِحًا)) أبو داود

“আমি তার জন্য জান্নাতের মধ্যকার একটি ঘরের যামিন হলাম, যে ঠাট্টাচ্ছলে হলেও মিথ্যা ত্যাগ করা” (আবু দাউদ, হাদীসটি হাসান। দ্রষ্টব্য সহীহ সুনানে আবু দাউদ আলবানী ৪৮০০) ব্যবসায়ী তার দ্রব্যাদি বিক্রয় করার ব্যাপারে কখনো মিথ্যার আশ্রয় নিয়ে থাকে। তাই রাসূলুল্লাহ-ﷺ-তাকেও মিথ্যা থেকে সতর্ক করছেন। যেমন তিনি বলেছেন,

((لَا يَحِلُّ لِأَمْرِي بَيْعُ سَلْعَةٍ يَعْلمُ أَنَّ بِهَا دَاءً (يعني عيب) إِلَّا أَخْبَرَهُ))

[البخاري]

“কোন মুসলিমের জন্য তার দোষযুক্ত দ্রব্যাদি জেনে-শুনে বিক্রয় করা বৈধ নয়, যদি সে দোষ সম্পর্কে অবহিত না করিয়ে দেয়।” (বুখারী)

## আমানত

ইসলাম তার অনুচরদের আমানতসমূহকে তার প্রাপকদের নিকট পৌঁছে দেওয়ার নির্দেশ দেয়। আর মানুষ ছোট-বড় যে কাজই

সম্পাদন করে, সে সমস্ত কাজে তাদেরকে স্বীয় প্রতিপালককে পর্যবেক্ষণ বলে মনে রাখারও নির্দেশ দেয়। মুসলিম তার উপর আল্লাহ কর্তৃক অর্পিত ওয়াজিব কাজ আদায়ে এবং মানুষের সাথে জড়িত কারবারে বিশ্বস্ততার প্রমাণ দেবে। আর মানুষের উপর অর্পিত দায়িত্বকে সুন্দরভাবে আদায় করতে আগ্রহী হওয়ার নামই হলো আমানত। আল্লাহ তা'য়লা বলেন,

﴿ إِنَّ اللَّهَ يَأْمُرُكُمْ أَنْ تُؤَدُّوا الْأَمَانَاتِ إِلَىٰ أَهْلِهَا وَإِذَا حَكَمْتُمْ بَيْنَ النَّاسِ أَنْ تَحْكُمُوا بِالْعَدْلِ ﴾ [النساء: ৫৮]

“নিশ্চয় আল্লাহ তোমাদেরকে নির্দেশ দিচ্ছেন যে, আমানত তার মালিককে প্রত্যর্পণ করবে। আর যখন তোমরা মানুষের মধ্যে বিচার-কার্য পরিচালনা করবে, তখন ন্যায়পরায়ণতার সাথে বিচার করবে।” (সূরা নিসা ৫৮) আর রাসূলুল্লাহ-ﷺ-বলেছেন,

(( لَا إِيْمَانَ لِمَنْ لَا أَمَانَةَ لَهُ )) أحمد

“আমানত লোপ পাওয়া ব্যক্তির ঈমানও থাকে না।” (আহমদ)

আর হেফাযতের জন্য রক্ষিত বস্তুই শুধু যে আমানত-যেমন মনে করে-তা নয়। বরং আমানতের অর্থ আরো সম্প্রসারিত। আমানত আদায় করার অর্থ হল, মানুষ তার উপর অর্পিত দ্বীন ও দুনিয়া সম্পর্কীয় সকল কাজে বিশ্বস্ততার পরিচয় দিবে।

## নম্রতা

মুসলিম লাঞ্ছনাবিহীন স্থানে বিনয় ও নম্রতা অবলম্বন করবে। মুসলিমের দাম্ভিক ও অহংকারী হওয়া কখনোই উচিত নয়। আল্লাহ তা'য়ালার বলেন,

﴿وَإِخْفُضْ جَنَاحَكَ لِمَنِ اتَّبَعَكَ مِنَ الْمُؤْمِنِينَ﴾ [الشعراء ২১০]

“এবং আপনার অনুসারী মু'মিনদের প্রতি সদয় হোন।” (সূরা শুআরা ২১৫) রাসূলুল্লাহ-ﷺ-বলেছেন,

(( مَا تَوَاضَعَ أَحَدٌ إِلَّا رَفَعَهُ اللَّهُ )) [مسلم ২০৪]

“যখনই কোন ব্যক্তি আল্লাহর নিমিত্ত বিনয় হয়, আল্লাহ তার মর্যাদা-সম্মান বৃদ্ধি করে দেন।” (মুসলিম ২৫৮৮) তিনি আরো বলেন,

(( إِنَّ اللَّهَ أَوْحَى إِلَيَّ أَنْ تَوَاضَعُوا حَتَّى لَا يَفْخَرَ أَحَدٌ عَلَى أَحَدٍ وَلَا يَبْتَغِيَ أَحَدٌ

عَلَى أَحَدٍ )) [مسلم ২৪৬৫]

“আল্লাহ আমার নিকট ওহী পাঠিয়েছেন যে, তোমরা একে অপরের সাথে বিনয় ও নম্রতার আচরণ করো। তোমাদের কেউ কারো উপর ফখর ও গৌরব করবে না এবং একজন আরেকজনের উপর যুলুম করবে না।” (মুসলিম ২৮৬৫)

নম্রতার পরিচয় হল,

ফকীর-মিসকীনদের সাথে উঠা-বসা করা। নিজেকে তাদের উর্ধ্বে না ভাবা। মানুষের সাথে সহাস্যে মেলা-মেশা করা। নিজেকে অন্য মানুষের থেকে উত্তম মনে না করা। সমস্ত উম্মতের নবী মুহাম্মাদ-ﷺ-নিজ হাতে ঘরে ঝাড়ু দিতেন। ছাগলের দুধ দোয়াতেন। কাপড়ে তালি লাগাতেন। স্বীয় খাদেমের সাথে আহার করতেন। বাজার থেকে প্রয়োজনীয় জিনিস নিজে কিনে আনতেন। ছোট-বড়, ধনী-গরীব সকলের সাথে মুসাফা করতেন।

### লজ্জাবোধ

লজ্জা ঈমানের শাখা-প্রশাখার একটি শাখা। আর লজ্জা ভালো ব্যতীত অন্য কিছুই বয়ে আনে না। যেমন রাসূলুল্লাহ-ﷺ-বুখারী ও মুসলিম শরীফে বর্ণিত হাদীসে বলেছেন। আর মানবতার শ্রেষ্ঠ মানুষ মুহাম্মাদ-ﷺ-হলেন মুসলিমদের জন্য উত্তম নমুনা। তিনি ছিলেন সর্বাধিক লজ্জাপ্রবণ ব্যক্তি। আবু সাঈদ খুদরী-ﷺ-থেকে বর্ণিত। তিনি বলেন,

[فَإِذَا رَأَى شَيْئًا يَكْرَهُهُ عَرَفَنَاهُ فِي وَجْهِهِ] ((البخاري ٦١٠٢))

“রাসূলুল্লাহ-ﷺ-যখন কোন কিছুকে অপছন্দ করতেন, আমরা তাঁর মুখমন্ডল থেকেই তা বুঝে নিতাম।” (বুখারী ৬১২০) তবে মুসলিমের লজ্জা যেন হক্ক বা সত্য কথা বলতে অথবা জ্ঞানার্জনে, কিংবা ভালো কাজের আদেশ ও মন্দ কাজের নিষেধ প্রদানে তার

কোন অন্তরায় সৃষ্টি না করে। যেমন উম্মে সুলাইম (রাযিয়াল্লাহু আনহা)র লজ্জা তার জন্য (সত্যের ব্যাপারে) বাধা হয়ে দাঁড়ায় নি। তিনি বলেছিলেন, হে আল্লাহর রাসূল! আল্লাহ তো হকের ব্যাপারে লজ্জা করেন না। তাই বলি, মহিলার যদি স্বপ্নদোষ হয়, তবে তার উপর কি গোসল ওয়াজিব হবে? তিনি বললেন, “হ্যাঁ, যদি বীর্য বা ভিজে দেখে।” (বুখারী) তবে হ্যাঁ, লজ্জা মানুষকে অন্যায-অনাচার কাজ থেকে, তার উপর অর্পিত দায়িত্ব পালনে অবহেলা করা থেকে, মানুষের গোপনীয় দোষ প্রকাশ করা থেকে এবং তাদের সাথে মন্দ ব্যবহার করা থেকে বাধা দিবে।

আল্লাহকে লজ্জা করা হলো, সর্বোত্তম লজ্জা। কাজেই মু'মিন তার সৃষ্টিকারী, বহু সম্পদ দিয়ে তার প্রতি অনুগ্রহকারী স্রষ্টার আনুগত্যে অবহেলা করতে এবং তাঁর নিয়ামতের কৃতজ্ঞতা জ্ঞাপন না করার ব্যাপারে লজ্জাবোধ করবে। রাসূলুল্লাহ-ﷺ বলেন,

[فَاللَّهُ أَحَقُّ أَنْ يُسْتَحْيَا مِنْهُ مِنَ النَّاسِ] ((البخاري))

“আল্লাহ মানুষের চেয়ে বেশী অধিকার রাখেন যে তাঁকে লজ্জা করা হোক।” (বুখারী)

## মন্দ চরিত্র

### যুলুম করা

যে প্রকৃত মুসলিম, সে কারো উপর যুলুম করে না। কারণ যুলুম করা ইসলামে হারাম। মহান আল্লাহ বলেন,

﴿ وَمَنْ يَظْلِمْ مِنْكُمْ نُدْفَهُ عَذَابًا كَبِيرًا ﴾ [الفرقان ١٩]

“তোমাদের মধ্যে যে অত্যাচারী, আমি তাকে গুরুতর শাস্তি আঙ্গাদন করাবো।” (সূরা ফুরকান ১৯) হাদীসে কুদসীতে বর্ণিত। মহান আল্লাহ বলেন,

(( يَا عِبَادِي إِنِّي حَرَمْتُ الظُّلْمَ عَلَى نَفْسِي وَجَعَلْتُهُ بَيْنَكُمْ مُحْرَمًا فَلَا تَظَالُمُوا ))

[মসলম ২০৭৭]

“হে আমার বান্দারা, আমি নিজের উপর যুলুমকে হারাম করে রেখেছি এবং তোমাদের উপরও তা হারাম করেছি। সুতরাং তোমরা একে অপরের প্রতি যুলুম করবে না।” (মুসলিম ২৫৭৭) আর যুলুম তিন প্রকারের হয়। যেমন,

১। বান্দার তার প্রতিপালকের প্রতি যুলুম করা। আর এটা হয় তাঁর কুফরী করে। যেমন তিনি বলেন,

﴿ وَالْكَافِرُونَ هُمُ الظَّالِمُونَ ﴾ [البقرة ২০৫]

“যারা কুফরী করেছে, তারাই বড় অত্যাচারী। (সূরা বাক্বারা ২৫৪) আল্লাহর ইবাদতে কাউকে শরীক করলেও তাঁর উপর যুলুম করা হয়। অর্থাৎ, ইবাদতের কোন কিছুকে গায়রুল্লাহর নামে সম্পাদন করা। আল্লাহ তাআ’লা বলেন,

﴿ إِنَّ الشِّرْكَ لَظُلْمٌ عَظِيمٌ ﴾ [لقمان ১৩]

“শির্ক হলো সব থেকে বড় যুলুমের কাজ।” (সূরা লুক্‌মান ১৩)  
 ২। মানুষের অপর মানুষের সাথে যুলুম করা। আর এটা হয়  
 অন্যায়ভাবে তার সম্প্রদায় লুটে, কিংবা শারীরিক ও মাল-ধনের  
 ব্যাপারে কোন কষ্ট দিয়ে। রাসূলুল্লাহ-ﷺ-বলেছেন,

(كُلُّ الْمُسْلِمِ عَلَى الْمُسْلِمِ حَرَامٌ دَمُهُ وَمَالُهُ وَعِرْضُهُ) [مسلم ২০৬৬]

“প্রত্যেক মুসলিমের উপর তার অন্য ভাইয়ের রক্ত, মাল-ধন  
 এবং মান-মর্যাদা হারাম।” (মুসলিম ২৫৬৪) তিনি আরো বলেছেন,

((مَنْ كَانَتْ عِنْدَهُ مَظْلَمَةٌ لِأَخِيهِ مِنْ عَرَضٍ أَوْ شَيْءٍ فَلْيَتَحَلَّلْهُ مِنْهُ الْيَوْمَ مِنْ  
 قَبْلِ أَنْ لَا يَكُونَ دِينَارٌ وَلَا دِرْهَمٌ، إِنْ كَانَ لَهُ عَمَلٌ صَالِحٌ أَخَذَ بِقَدْرِ مَظْلَمَتِهِ  
 ، فَإِنْ لَمْ يَكُنْ لَهُ حَسَنَاتٌ أَخَذَ مِنْ سَيِّئَاتِ أَخِيهِ فَطُرِحَتْ عَلَيْهِ)) [البخاري

[৬০৩৬]

“কোন ব্যক্তির উপর তার অপর ভাইয়ের যদি কোন দাবী থাকে,  
 আর তা যদি তার মান-মর্যাদা, অথবা অন্য কিছুর সাথে যুলুম  
 নির্যাতন সম্পর্কীয় হয়, তবে সে যেন আজই কপর্দকহীন হওয়ার  
 পূর্বেই তার কাছে ক্ষমা ভিক্ষা করে নেয়। অন্যথায় (কিয়ামতের  
 দিন) তার যুলুমের সমপরিমাণ নেকী তার কাছ থেকে নিয়ে নেওয়া  
 হবে। যদি তার নেকী না থাকে, তবে তার প্রতিপক্ষের গোনাহ থেকে  
 যুলুমের সমপরিমাণ তার হিসাবে অন্তর্ভুক্ত করে দেওয়া হবে।”  
 (বুখারী ৬৫৩৪)

৩। মানুষের তার নিজের উপর যুলুম করা। আর এটা হয় হারাম কাজ সম্পাদন করে। আল্লাহ তা'য়ালি বলেন,

﴿ وَمَا ظَلَمُونَا وَلَكِنْ كَانُوا أَنفُسَهُمْ يَظْلِمُونَ ﴾ [البقرة ০৭]

“বস্তুতঃ তারা আমার কোন ক্ষতি করতে পারে নি, বরং নিজেদেরই ক্ষতি সাধন করছে।” (সূরা বাক্বারা ৫৭) কাজেই হারাম কাজ করলে ক্ষতি তার নিজেরই হয়। কারণ, তা আল্লাহর শাস্তিকে ওয়াজিব করে দেয়।

### হিংসা

হিংসাও মন্দ চরিত্রের আওতায় পড়ে। এটা ত্যাগ করা প্রত্যেক মুসলিমের অপরিহার্য কর্তব্য। কারণ, এতে আল্লাহ কর্তৃক তাঁর বান্দাদের মধ্যে (ধন-সম্পদ ও মান-মর্যাদা ইত্যাদি) বন্টনের উপর অভিযোগ উত্থাপন করা হয়। আল্লাহ তা'য়ালি বলেন,

﴿ أَمْ يَحْسُدُونَ النَّاسَ عَلَىٰ مَا آتَاهُمُ اللَّهُ مِنْ فَضْلِهِ ﴾ [النساء ০৫]

“তারা অন্যান্য লোকদের প্রতি শুধু এই জন্যই কি হিংসা পোষণ করে যে, আল্লাহ তাদেরকে তাঁর অনুগ্রহ দান করেছেন।” (সূরা নিসা ৫৪) আর হিংসা দু'প্রকারের হয়। যথা,

১। অন্যের ধন-সম্পদের অথবা জ্ঞানের কিংবা রাজত্বের ধ্বংস কামনা করা। যাতে সে তা অর্জন করতে পারে।

২। অন্যের ধন-সম্পদের বিনাশ কামনা করা। তাতে সে তা অর্জন করতে পারুক বা না পারুক। রাসূলুল্লাহ-ﷺ-বলেছেন,

((إِيَّاكُمْ وَالْحَسَدَ فَإِنَّ الْحَسَدَ يَأْكُلُ الْحَسَنَاتِ كَمَا تَأْكُلُ النَّارُ الْحَطَبَ أَوْ الْعُشْبَ)) [أبو داود]

“তোমরা হিংসা থেকে বাঁচ। কারণ, হিংসা সমস্ত পুণ্যকে ঐভাবেই খেয়ে নেয়, যেভাবে আগুন কাঠ বা জ্বালানী খেয়ে নেয়।” (আবু দাউদ) তবে যদি কারো নিকট বিদ্যমান নিয়ামতের ধ্বংস কামনা না ক’রে তা পাওয়ার আশা করা হয়, তাহলে তা হিংসা বলে গণ্য হবে না।

### ধৌকা দেওয়া

প্রত্যেক মুসলিম তার অন্য ভাইদের সুপরামর্শদাতা হবে। কাউকে ধৌকা দিবে না। বরং সে নিজের জন্য যা ভালোবাসে, তা অন্য ভাইদের জন্যও বাসবে। রাসূলুল্লাহ-ﷺ-বলেছেন,

(( مَنْ عَشَّنَا فَلَيْسَ مِنَّا )) [مسلم ١٠١]

“যে ধৌকা দেয়, সে আমার উম্মতের মধ্যকার নয়।” (মুসলিম ১০১) মুসলিম শরীফে অন্য এক বর্ণনায় এসেছে,

(( أَنَّ رَسُولَ اللَّهِ ﷺ مَرَّ عَلَى صُبْرَةٍ (أَي: كَوْمَةٍ) طَعَامٍ فَأَدْخَلَ يَدَهُ فِيهَا، فَنَالَتْ أَصَابِعُهُ بَلَلًا، فَقَالَ: مَا هَذَا يَا صَاحِبَ الطَّعَامِ؟ قَالَ: أَصَابَتْهُ السَّيِّئَاتُ يَا رَسُولَ اللَّهِ، قَالَ أَفَلَا جَعَلْتَهُ فَوْقَ الطَّعَامِ كَمَا يَرَاهُ النَّاسُ مِنْ عَشَّ فَلَيْسَ مِنَّا )) مسلم

“রাসূলুল্লাহ-ﷺ-খাদ্য শস্যের একটি সুপের কাছ দিয়ে যাওয়ার সময় তাতে হাত ঢুকিয় দিলেন। তাঁর হাতের আঙ্গুলগুলো ভিজা মনে হলো। তিনি বললেন, হে শস্যের মালিক, একি? সে বললো, বৃষ্টিতে ভিজে গিয়েছে, হে আল্লাহর রাসূল! তিনি বললেন, তাহলে এগুলো উপরে রাখ নি কেন? লোকে দেখে শুনে ক্রয় করবে। যে আমাদেরকে ধোঁকা দেয়, সে আমার উম্মতের অন্তর্ভুক্ত নয়।” (মুসলিম ১০২)

### অস্ককার

কখনো মানুষ তার জ্ঞান নিয়ে অস্ককার ও গর্ববোধ করে। জ্ঞান তাকে এমন বানিয়ে দেয় যে, সে নিজেকে সবার উর্ধ্বে মনে করে এবং তখন সে অন্য মানুষদের বা জ্ঞানীদের ঘৃণা করে। আবার কখনো মাল নিয়ে গর্ব করে। মালের কারণে নিজেকে সর্বোচ্চ মনে করে। আবার কখনো সে তার শক্তি ও ইবাদত ইত্যাদিকে নিয়ে অস্ককার করে। তবে যে প্রকৃত মুসলিম, সে অস্ককার করা থেকে নিজেকে বিরত রাখে এবং তা থেকে সতর্ক থাকে। আর সে স্মরণ করে যে, ইবলীসকে জান্নাত থেকে বের করে দেওয়ার কারণই ছিল, তার অস্ককার। যখন আল্লাহ তাকে আদমকে সেজদা করার নির্দেশ দেন, সে তখন বললো, আমি তো আদমের থেকে উত্তম। কারণ, তুমি আমাকে আঙুন থেকে সৃষ্টি করেছো। আর আদমকে মাটি থেকে। ফলে এটাই তার জন্য আল্লাহর রহমত থেকে বিতাড়িত হওয়ার কারণ হয়ে দাঁড়ালো। আর অস্ককারের ওষুধ হলো, মানুষ সব সময় মনে রাখবে যে, জ্ঞান, মাল ও সুস্থতা ইত্যাদি সহ আজ আল্লাহ তাকে যে সম্পদই দিয়েছেন, এ সম্পদগুলো তিনি যে কোন

মুহূর্তে ছিনিয়ে নিতে পারেন।

## সুন্দর চরিত্র গঠনে সাহায্যকারী কতিপয় উপায়

সন্দেহ নাই যে, অভ্যস্ত স্বভাবকে পরিবর্তন করাই হল মানুষের জন্য বড় কঠিন ও ভারী কাজ। তবে এটা অসম্ভবও নয়। বরং কিছু উপায়-উপকরণ রয়েছে, যার মাধ্যমে মানুষ তার চরিত্রকে মহৎ ও সুন্দর বানাতে পারে। আর তা হলো,

১। আক্বীদা পরিশুদ্ধ করাঃ কারণ, আক্বীদার ব্যাপারটা সব থেকে গুরুত্বপূর্ণ ব্যাপার। আর মানুষের আচার ব্যবহারই হলো, তার চিন্তা, আক্বীদা এবং তার দ্বীনী বিশ্বাসের ফল। তাছাড়া আক্বীদাই হলো ঈমান। আর মু'মিনদের মধ্যে পরিপূর্ণ ঈমানদার সে-ই, যার চরিত্র সবার থেকে উন্নত। কাজেই আক্বীদা ঠিক হয়ে গেলে, চরিত্রও ঠিক হয়ে যায়। কেননা, আক্বীদাই মানুষকে সততা, বদান্যতা, স্বেচ্ছাশীলতা এবং নির্ভীকতা ইত্যাদি মহৎ চরিত্রের উপর উদ্বুদ্ধ করে। অনুরূপ মিথ্যাচার, কৃপণতা, ক্রোধ এবং মূর্খতা ইত্যাদির মত মন্দ চরিত্র থেকে তাকে বাধা প্রদান করে।

২। দুআ করাঃ দুআ বড় এক উন্মুক্ত দরজা। যখনই বান্দার জন্য এ দরজা খুলে দেওয়া হয়, তখনই অজস্র কল্যাণ ও বরকত ক্রমাগতভাবে এই দরজা দিয়ে প্রবেশ করতে থাকে। কাজেই যে ব্যক্তি উত্তম চরিত্রে চরিত্রবান হতে এবং নোংরা চরিত্র থেকে বাঁচতে আগ্রহী, সে যেন তার প্রতিপালকের শরণাপন্ন হয়। তিনি তাকে সচ্চরিত্র অর্জনের তৌফীক দিবেন এবং অসৎচরিত্র থেকে তাকে

রক্ষা করবেন। সর্ব ক্ষেত্রেই দুআ বড় উপকারী। এই জন্যই রাসূলুল্লাহ ﷺ-কাকুতি মিনতি সহকারে তাঁর প্রতিপালকের নিকট খুব বেশী বেশী সুন্দর চরিত্র অর্জনের তৌফীক কামনা করতেন। তিনি ইস্তিফতার দুআয় বলতেন,

((اللَّهُمَّ اهْدِنِي لِأَحْسَنِ الْأَخْلَاقِ، لَا يَهْدِي لِأَحْسَنِهَا إِلَّا أَنْتَ، وَاصْرِفْ عَنِّي سَيِّئَهَا، لَا يَصْرِفُ عَنِّي سَيِّئَهَا إِلَّا أَنْتَ)) [مسلم ٧٧١]

“হে আল্লাহ! তুমি আমাকে সচ্চরিত্র অর্জনের তৌফীক দান করো। তুমি ছাড়া এর তৌফীকদাতা আর কেউ নাই। আর অসৎ চরিত্রকে আমার থেকে দূরে রাখা। তুমি ব্যতীত তা কেউ দূর করতে পারে না।” (মুসলিম ৭৭১)

৩। শ্রম-সাধনা করা। শ্রম-সাধনা মহৎচরিত্র গঠনের ব্যাপারে বহু সুফল দেয়। তাই যে ব্যক্তি উত্তম নৈতিকতা লাভের জন্য এবং নোংরা চরিত্র থেকে বাঁচার জন্য স্বীয় নাফসের সহিত জিহাদ করে, সে বহু কল্যাণ সঞ্চয় করতে ও অনেক অপ্ৰীতিকর জিনিস থেকে নিষ্কৃতি পেতে সক্ষম হয়। কেননা, চরিত্রের ব্যাপারটা হল, তা জন্মগতও হয়। আবার অভ্যাস ও কর্মের মাধ্যমে সঞ্চিতও হয়। আর নাফসের সাথে জিহাদ করার অর্থ এই নয় যে, একবার, দু’বার, অথবা ততোধিকবার করবে। বরং মরণ পর্যন্ত নাফসের সাথে জিহাদ করতে থাকবে। কারণ, নাফসের সাথে জিহাদ করা আল্লাহ তাআলার ইবাদত। তিনি বলেন,

﴿وَاعْبُدْ رَبَّكَ حَتَّىٰ يَأْتِيَكَ الْيَقِينُ﴾ [الحجر]

“এবং পালনকর্তার ইবাদত করুন, যে পর্যন্ত আপনার কাছে নিশ্চিত কথা না আসে।” (সূরা হিজরঃ ৯৯)

৪। আত্মসমালোচনা করা। আর এটা হবে কোন অন্যায়-অনাচার কাজের জন্য নাফসকে তিরস্কার করে এবং আগামীতে উক্ত কাজ পুনরায় না করার উপর তাকে বাধ্য করে।

৫। মহৎচরিত্রের দ্বারা অর্জিত সুফলের ব্যাপারে চিন্তা-ভাবনা করা। কারণ, কাজের সুফল সম্পর্কে জানলে এবং তার সুন্দর পরিণামকে স্মরণে রাখলে, তা সেই কাজ করতে ও তার জন্য প্রচেষ্টা করতে বড় মাধ্যম সাব্যস্ত হয়।

৬। অসৎচরিত্রের পরিণাম সম্পর্কে ভাবা। অর্থাৎ, যে জঘন্য চরিত্র সব সময়ের জন্য অনুতাপ, অবিচ্ছেদ দুশ্চিন্তা, আক্ষেপ-অনুশোচনা এবং সৃষ্টির অন্তরে ঘৃণার জন্ম দেয়, সে সম্পর্কে চিন্তা-ভাবনা করা।

৭। নাফসের সংশোধনের ব্যাপারে নৈরাশ না হওয়া। মুসলিমের হতাশ হওয়া কখনই উচিত নয়। বরং তার উচিত হবে স্বীয় পরি-কল্পনাকে সুদৃঢ় করা এবং নাফস থেকে দোষণীয় জিনিসকে দূরীভূত করে তাকে পরিপূর্ণ করতে প্রচেষ্টা করা।

৮। সহর্ষ ও সহাস্য হতে প্রচেষ্টা করা এবং মুখ ভেংচানো ও বিরক্তির প্রকাশ থেকে বাঁচা। কোন মানুষের তার মুসলিম ভাইয়ের সামনে স্নিগ্ধ হাসা তার জন্য সাদক্বায় পরিণত হয় এবং তাতে সে নেকী পায়। নবী করীম-ﷺ-বলেছেন,

(تَبَسُّمُكَ فِي وَجْهِ أَخِيكَ لَكَ صَدَقَةٌ) [الترمذي]

“তোমার ভাইয়ের সামনে মুচকি হাসা তোমার জন্য সাদক্বায়

পরিণত হয়।” (তিরমিযী, হাদীসটি সহীহ। দ্রষ্টব্য সহীহ সুনানে তিরমিযী আলবানী ১৯৫৬) তিনি আরো বলেন,

(( لَا تَحْفَرَنَّ مِنَ الْمَعْرُوفِ شَيْئًا وَلَوْ أَنَّ تَلْقَى أَحَاكَ بِوَجْهِ طَلِقٍ )) رواه مسلم]

“কোন সৎ কাজকে অবজ্ঞা কর না, যদিও তা তোমার ভাইয়ের সাথে হাসিমুখে সাক্ষাৎ করার কাজ হয়।” (মুসলিম ২৬২৬)

৯। দৃষ্টি নত রাখা। দেখেও না দেখার ভান করা। আর এটা হলো বড় ও মহান ব্যক্তিদের চরিত্র বিশেষ। এ গুণ দু’টি প্রেম-প্ৰীতি ও ভালবাসা সৃষ্টি করতে ও তা অব্যাহত রাখতে এবং শত্রুতাকে দাফন করতে সাহায্য করে।

১০। ঐর্ষশীলতা। ঐর্ষশীলতা হলো সর্বোত্তম চরিত্র। এটা জ্ঞানী ব্যক্তিদের অত্যাবশ্যকীয় বিষয়। আর ঐর্ষশীলতা হলো, উত্তেজিত ক্রোধের সময় নিজেকে সংযত (Control) রাখা। তবে ঐর্ষশীলতার অর্থ এই নয় যে, ঐর্ষশীল ব্যক্তি কখনো রাগান্বিত হবে না। বরং এর অর্থ হলো, রাগ সৃষ্টিকারী কারণের জন্য উত্তেজিত হয়ে উঠলে, নিজেকে সংযত (Control) রাখবে। মানুষ যখন ঐর্ষশীলতার গুণে গুণান্বিত হয়, তখন তার বন্ধুর সংখ্যা বৃদ্ধি পায়। তার শত্রুর সংখ্যা কমে যায় এবং তার মান-মর্যাদা বর্ধিত হয়।

১১। মুখ জাহেলদের থেকে দূরে থাকা। যে ব্যক্তি মুখ জাহেলদের থেকে দূরে থাকে, সে তার সম্মান বাঁচিয়ে নেয়। তার আত্মা প্রশান্তি লাভ করে এবং কষ্টদায়ক জিনিস শুনা থেকে সে নিষ্কৃতি পায়। আল্লাহ তাআলা বলেন,

﴿ خِذِ الْعَفْوَ وَأْمُرْ بِالْعُرْفِ وَأَعْرِضْ عَنِ الْجَاهِلِينَ ﴾ [الأعراف ١٩٩]

“আর ক্ষমা করার অভ্যাস গড়ে তোল, সৎকাজের নির্দেশ দাও এবং মুর্থ জাহেলদের থেকে দূরে সরে থাক।” (সূরা আ’রাফঃ ১৯৯)  
১২। কটুবাক্য ও গালাগালি করা থেকে বিরত থাকা।

১৩। দুঃখ কষ্ট ভুলে যাওয়া। অর্থাৎ, কারো দ্বারা তুমি কষ্ট পেয়ে থাকলে, তা ভুলে যাও। যাতে তোমার অন্তর তার জন্য পরিষ্কার হয়ে যায়। তাকে অপরিচিত ভাবে না। কেননা, যে ব্যক্তি তার মুসলিম ভাইদের কর্তৃক প্রদত্ত কষ্টকে মনে রাখে, তাদের জন্য তার ভালবাসা স্বচ্ছ হয় না। অনুরূপ যে ব্যক্তি তার সাথে মানুষের কৃত দুর্ব্যবহারকে স্মরণে রাখে, তাদের সাথে তার বসবাস তৃপ্তিকর হয় না। অতএব ভুলে যাও, যত ভুলে যাওয়া তোমার পক্ষে সম্ভব।

১৪। ক্ষমা ও মার্জনা করা এবং মন্দ কাজের মোকাবেলায় অনুগ্রহ করা। এটা উচ্চ মর্যাদা লাভের মাধ্যম। এতে প্রশান্তিও লাভ হয় এবং প্রতিশোধ নেওয়ার পরিবর্তে অন্তরে ক্ষমার প্রেরণাও সৃষ্টি হয়।

১৫। দানশীল হওয়া। এটা প্রশংসনীয় অভ্যাস। যেমন কৃপণতা হল নিন্দনীয় অভ্যাস। দানশীলতা ভালবাসা টেনে আনে ও শত্রুতা দূর করে। সুন্দর প্রশংসা অর্জন করে এবং দোষসমূহ ও খারাপ কাজ-গুলোকে ঢেকে দেয়।

১৬। মহান আল্লাহর নিকট নেকীর আশা করা। এটা মহৎচরিত্র অর্জনে সাহায্যকারী মাধ্যমসমূহের সুমহান মাধ্যম। এটা ঋণ্য ধরার উপর, শ্রম-সাধনা করার উপর এবং মানুষ কর্তৃক প্রদত্ত কষ্ট সহ্য করার উপর সহযোগিতা করে। সুতরাং যখন সে নিশ্চিত হবে যে,

আল্লাহ তাকে তার উত্তম চরিত্রের এবং নাফসের সাথে জিহাদ করার প্রতিদান দেবেন, তখন সে উত্তম চরিত্র অর্জনের প্রতি আগ্রহী হবে। আর তখন এ পথে প্রত্যেক দুর্কাজ তার জন্য সহজ হয়ে যাবে।

১৭। ক্রোধান্বিত হওয়া থেকে বাঁচা। কারণ, ক্রোধ হলো, অন্তরে প্রজ্বলিত এমন অগ্নিচূর্ণ, যা মানুষকে আক্রমণ করার প্রতি এবং প্রতিশোধ নেওয়ার প্রতি উদ্বুদ্ধ করে। কাজেই মানুষ যদি ক্রোধের সময় নিজেকে সংযত (Control) রাখত পারে, তাহলে সে স্বীয় মর্যাদা-সম্মান সুরক্ষিত রাখতে সক্ষম হবে এবং অজুহাত পেশ করা ও অনুতপ্ত হওয়া থেকে বেঁচে যাবে। আবু হুরাইরা رضي الله عنه থেকে বর্ণিত। তিনি বলেন, এক ব্যক্তি রাসূলুল্লাহ-ﷺ-এর কাছে এসে বললো,

يَا رَسُولَ اللَّهِ! أَوْصِنِي، فَقَالَ: لَا تَغْضَبْ، فَرَدَّدَ مِرَارًا، قَالَ لَا تَغْضَبْ))

[البخاري ٦١١٦]

হে আল্লাহর রাসূল! আমাকে উপদেশ দিন। তিনি বললেন, রাগ করো না। সে ব্যক্তি কয়েকবার একই কথার পুনরাবৃত্তি করলো, আর রাসূলুল্লাহ ﷺ বললেন, রাগ করো না।” (বুখারী ৬১১৬)

১৮। উদ্দেশ্যমূলক নসীহত এবং সংশোধনমূলক প্রতিবাদ গ্রহণ করা। তাই তার মধ্যে বিদ্যমান দোষ সম্পর্কে সতর্ক করা হলে, তা মেনে নিয়ে তা থেকে বিরত থাকা তার উপর অপরিহার্য। কেননা, নাফসের মধ্যে বিদ্যমান দোষ থেকে উদাসীন হয়ে তার সংশোধন

সম্ভব নয়।

১৯। মানুষের উপর অর্পিত দায়িত্বকে পরিপূর্ণরূপে পালন করা। এতে সে নিজেকে তিরস্কার, ভৎসনা ও অজুহাত পেশ করা থেকে বাঁচিয়ে নিবে।

২০। ভুল হয়ে গেলে, তা স্বীকার করে নেওয়া এবং তা বৈধ মনে না করা। এটা মহৎচরিত্রের নিদর্শন। তাছাড়া এর দ্বারা সে নিজেকে মিথ্যা থেকে বাঁচাতে পারবে। অতএব ত্রুটি স্বীকার করা এমন এক গুণ, যা এই গুণে গুণান্বিত ব্যক্তির মর্যাদা বৃদ্ধি করে।

২১। সত্যতাকে আঁকড়ে ধরে থাকা। সত্যবাদিতার বড় প্রসংশনীয় প্রতিক্রিয়া রয়েছে। সত্যবাদিতার গুণে মানুষের মর্যাদা-সম্মান বৃদ্ধি পায়। সত্যবাদীকে সত্যতা মিথ্যার অপবিত্রতা থেকে, অন্তরের গ্লানি থেকে এবং অজুহাত পেশ করার লাঞ্ছনা থেকে মুক্তি দেয়। আর তাকে মানুষের নোংরা ব্যবহার থেকে এবং তার থেকে বিশ্বস্ততা যাতে লোপ না পায়, তা থেকে রক্ষা করে। অনুরূপ সে (সত্যতার গুণে) সম্মান, নির্ভীকতা এবং বিশ্বস্ততা লাভ করে।

২২। কেউ কোন ভুল করলে, তাকে বেশী ধমকানো ও তিরস্কার করা থেকে বিরত থাকা। কারণ খুব বেশী তিরস্কার করা রাগের জন্ম দেয়, শত্রুতা সৃষ্টি করে এবং তাকে কষ্টদায়ক জিনিস শুনতে বাধ্য করে। তাই জ্ঞানসম্পন্ন ব্যক্তি ছোট-বড় প্রত্যেক ভুলের কারণে তার ভাইদের তিরস্কার করে না। বরং তাদের জন্য অজুহাত খোঁজে। অতঃপর যদি তিরস্কারের যোগ্য কোন কিছু পায়, তাহলে কোমল ও নরমভাবে তাকে বুঝায়।

২৩। সৎচরিত্রবান ও নেক লোকদের সঙ্গ গ্রহণ করা। এটা এমন একটি বিষয়, যা মানুষকে উন্নত চরিত্রের উপর গড়ে তোলে এবং উত্তম চরিত্রকে তার মধ্যে পাকাপোক্ত করে দেয়।

২৪। কথোপকথন ও মজলিসের আদবের খেয়াল রাখা। আর এ ব্যাপারে যেসব আদবের খেয়াল রাখতে হয়, তা হল, কেউ কথা বললে, তার কথা মন দিয়ে শোনা। তার কথা কাটা থেকে বিরত থাকা। তাকে মিথ্যুক সাব্যস্ত না করা। তার কথাকে হালকা মনে না ভাবা এবং তার কথা পূর্ণ হওয়ার আগে উঠে না যাওয়া। প্রবেশ করার সময় এবং বের হওয়ার সময় সালাম করা। মজলিসে স্থান প্রশস্ত করা। কোন মানুষকে তার স্থান থেকে উঠিয়ে সেখানে না বসা। অনুমতি ব্যতীত দুই ব্যক্তির মধ্যে বসে তাদেরকে পৃথক না করা এবং তৃতীয়জনকে বাদ দিয়ে দু'জনে কথা না বলা ইত্যাদি সবই উক্ত আদবের আওতায় পড়ে।

২৫। নবী জীবনী সম্পর্কে সর্বদা পড়া-শুনা করা। কারণ, নবী জীবনী পাঠকের সামনে মানবতার এক চিত্র এবং মানব জীবনের জন্য হেদায়াত ও নৈতিকতার এক পরিপূর্ণ নকশা পেশ করবে।

২৬। সাহাবায়ে কেরামদের (আল্লাহ তাঁদের উপর সন্তুষ্ট হোন) জীবনী সম্পর্কেও আলোচনা করা।

২৭। আখলাক ও চরিত্রের উপর লিখিত বই-পুস্তকের পড়া-শুনা করা। কারণ, তা মানুষকে উত্তম চরিত্র অর্জনের উপর উৎসাহ দান করবে। আর সুন্দর চরিত্রের ফযীলতের কথার স্মরণ করে দেবে এবং তা অর্জন করতে সাহায্য করবে। অনুরূপ নোংরা চরিত্র থেকে তাকে সতর্ক করা সহ তার মন্দ পরিণাম তার সামনে উদ্ভাসিত করে দেবে এবং তা থেকে মুক্তির পথও বলে দিবে।

## সূচীপত্র

পৃষ্ঠা	বিষয়
৩	ইসলামী নৈতিকতা
৯	সুন্দর চরিত্রের নিদর্শন
১১	রাসূলুল্লাহ-ﷺ-এর চরিত্র
১৪	সত্যবাদিতা
১৬	আমানত
১৮	নম্রতা
১৯	নম্রতার পরিচয়
২৯	লজ্জাবোধ
২০	মন্দ চরিত্র
২০	যুলুম করা
২৩	হিংসা
২৪	ধৌকা দেওয়া
২৫	অহংকার
২৬	সুন্দর চরিত্র গঠনে সাহায্যকারী কতিপয় উপায়
২৬	আকীদা পরিশুদ্ধ করা
২৭	শ্রম-সাধনা করা
২৮	আত্মসমালোচনা করা
২৯	দৃষ্টি অবনত রাখা
২৯	মূর্খ জাহেলদের থেকে দূরে থাকা
৩০	মহান আল্লাহর নিকট নেকীর আশা করা
৩১	ক্রোধ দমন করা
৩৩	চরিত্রবান ও নেক লোকদের সঙ্গে গ্রহণ করা